

ПЕРВОЙ МАЙ *

Война быри. Шы ни төв.
Оз нин кывсы чорыд гым.
Эгö тöдлö, коли төв
Воис тулыс - воши лым
Сыліс.

Собор улын паськыд ва,
Льом пу йылын дзольгö кай,
Кöчьяс сьылöны «ла-ла»...
Воис праздник «Первой май»
Ылысь.

Тайö праздник, кöть и важ,
Эз на волы татшöм лун;
Некор вöчны вöлі гаж;
Вöлі война, эз на вун
Юрысь.

Сизим во чöж муніс кось -
Йöзлөн пыр на киссис вир...
Озыр кутшöм вöлі ёсь,
Век жö вöчны лои мир
Бурысь.

Таво косьлы воис пом,
Öні абу сійö шог;
Быдөн пöрысь йöз и том
Талун гажлы вöчас мог -
Сылас.

Кыдзи вöрыд миян лöз,
Мыйта, дивö, сэнi пу,
Сідз жö му вылын гöль йöз,
Сымда йöзöс кутö му
Вылас.

Налөн мунö öти дум:
Кыдзи вежны олантуй...
Налы пыр на озыр кум

Празьникъяслы потшис туй

Нырнас.

Таво кыдзи быри кось,

Быдён корсьны кутас бур;

Кутны сымдаос оз позь,

Сымда йөзлысь вом он вур

Тырмас!

Мича кайяс, сьылöй гаж!

Вөчöй вокъяслы бур пуд...

Налысь вежöй олөм важ...

Сьылöй шондi улын шуд,

Сьылöй!

Гажа празьник - Первой май!

Тэнö төдö паськыд му...

Ёнджыка сьыв, гора кай!

Йөзлы юөр бурөс ну,

Ылө!

* Медводдзаысь печатайтöма 1921 воын.

Удж. -1921. - 1 мая.